



Broj: 03-16-8-1673-11-5/17
Sarajevo, 12.12.2017.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za nabavke iz Zapisnika o pregledu i ocjeni ponuda, broj: 03-16-8-1673-11-4/17, od 11.12.2017. u ponovljenom otvorenom postupku nabavke "Centralizovano snimanje sjednica" za potrebe Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine donosi

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: 03-16-8-1673-11-4/17, od 11.12.2017. i Ugovor o uspostavi "Centralizovanog snimanja sjednica" za potrebe Parlamentarne skupštine Bosne i Hercegovine s kompletnom konfiguracijom dodjeljuje se ponuđaču **AUDIO VIDEO CONSULTING d.o.o. Sarajevo**, ul. Azize Šaćirbegović 7, Sarajevo, čija ukupna cijena opreme za uspostavu "Centralizovanog snimanja sjednica" s kompletnom konfiguracijom specificirana u Ponudi Dobavljača, broj: T-61-12-2017 od 8.12.2017., iznosi 51.200,35 KM bez PDV-a, odnosno 59.904,41 KM sa uračunatim PDV-om.

II.

(1) Izabrani ponuđač dužan je dostaviti dokaze o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnijeg ponuđača, prema tački 11.2. Tenderske dokumentacije za nabavku "centralizovanog snimanja sjednica" za potrebe Parlamentarne skupštine Bosne i Hercegovine, broj: 03-16-8-1673-11-1/17, od 23.11.2017.

(2) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ovaj postupak nabavke će biti poništen.

III.

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena i nakon urednog ispunjenja obaveze iz tačke II. ove Odluke, a po prethodno pribavljenom mišljenju Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke "Centralizovano snimanje sjednica" za potrebe Parlamentarne skupštine Bosne i

Hercegovine, broj: 03-16-8-1673/17, od 11.7.2017. Ukupna procjenjena vrijednost nabavke iznosila je 60.000,00 KM sa PDV-om. Komisija za nabavke imenovana je Odlukom Kolegija Sekretarijata, broj: 03-16-8-1039/17, od 18.4.2017. Javna nabavka provedena je putem ponovljenog (drugi put) otvorenog postupka nabavke. Tenderska dokumentacija, broj: 03-16-8-1673-11-1/17, od 23.11.2017. objavljena je u Sistemu „E-nabavke“, kao i Obavještenje o nabavci broj: 166-1-1-55-3-30/17, od 23.11.2017., a u “Službenom glasniku BiH”, broj 85/17, od 1.12.2017. Tendersku dokumentaciju za nabavku “Centralizovanog snimanja sjednica” za potrebe Parlamentarne skupštine BiH sa Portala javnih nabavki preuzelo je ukupno 6 ponuđača.

Do termina zakazanog za predaju ponuda odnosno do 8.12.2017. do 14,00 sati pristigla je jedna ponuda i to:

Redni broj zaprimanja ponuda	Naziv i sjedište ponuđača
1.	AUDIO VIDEO CONSULTING d.o.o. Sarajevo, ul. Azize Šaćirbegović 7, 71 000 Sarajevo

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: 03-16-8-1673-11-2/17, od 8.12.2017., Zapisnik o otvaranju ponuda od 8.12.2017. i Zapisnik o pregledu i ocjeni ponuda, broj: 03-16-8-1673-11-4/17, od 11.12.2017. sa preporukom o izboru najpovoljnijeg ponuđača.

Zapisnikom je konstatovano da je u toku evaluacije Komisija utvrdila da je ponuda ponuđača Audio Video Consulting d.o.o. Sarajevo prihvatljiva za ugovorni organ, jer ispunjava formalno pravne, lične i tehničke/profesionalne uslove, odnosno zahtjeve Ugovornog organa, a ponuđene vrste opreme u potpunosti ispunjavaju zahtjevane minimalne tehničke karakteristike i druge zahtjeve, navedene u Aneksu 2. Obrazac za cijenu ponude Tenderske dokumentacije Ugovornog organa. Navedeno je i da ponuda ne potpada pod primjenu preferencijalnog tretmana za domaću ponudu, te da nije provedena E-aukcija u skladu s članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj 66/16). Također je konstatovano da Komisija nije provodila fazu vrednovanja i rangiranja prihvatljivih ponuda shodno utvrđenom kriteriju „najniža cijena“ i rezultatima E-aukcije, jer je samo jedna ponuda prihvatljiva za ugovorni organ i to:

Ponuđač	Predmet nabavke i količina	Ukupna cijena “Centralizovano snimanja sjednica” s kompletnom konfiguracijom, uračunatim popustom (ukoliko je ponuđen) i PDV-om
AUDIO VIDEO CONSULTING d.o.o. Sarajevo	Oprema za “Centralizovano snimanje sjednica” s kompletnom konfiguracijom specificirana u Ponudi Dobavljača, broj: T-61-12-2017 od 8.12.2017.	59.904,41 KM

Shodno navedenom, Komisija za nabavke preporučila je Kolegiju Sekretarijata (Zapisnik, broj: broj: 03-16-8-1673-11-4/17, od 11.12.2017. u prilogu), da u postupku nabavke „Centralizovano snimanje sjednica“ za potrebe Parlamentarne skupštine BiH, donese Odluku o izboru najpovoljnijeg ponuđača za AUDIO VIDEO CONSULTING d.o.o. Sarajevo, čija ukupna cijena opreme za uspostavu “Centralizovanog snimanja sjednica” s kompletnom konfiguracijom specificirana u Ponudi Dobavljača, broj: T-61-12-2017 od 8.12.2017., iznosi 51.200,35 KM bez PDV-a, odnosno 59.904,41 KM sa uračunatim PDV-om. Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da se Audio Video Consulting d.o.o. Sarajevo izabere za realizaciju Javne nabavke “Centralizovano

snimanje sjednica” za potrebe Parlamentarne skupštine Bosne i Hercegovine putem Ugovora, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od deset dana od dana prijema ove odluke direktno ili preporučenom poštanskom pošiljkom.

Dostavljeno:

- AUDIO VIDEO CONSULTING d.o.o. Sarajevo, ul. Azize Šaćirbegović 7, 71000 Sarajevo
- Sektoru za finansije
- a/a

KOLEGIJ SEKRETARIJATA:

Kenan Vehabović _____

Bojan Ninković _____

Marin Vukoja _____